

罷將軍博陽侯親昆弟在真定者已遣人存問脩治先

人家前日聞王發兵於邊為寇災不止當其時長沙苦

之南郡尤甚雖王之國庸獨利乎

師古曰言越兵寇邊長沙南郡皆厭苦之

而漢軍亦當相拒方有必多殺士卒傷良將吏寡人之

妻孤人之子獨人父母得一亡十朕不忍為也朕欲定

地犬牙相入者以問吏吏曰高皇帝所以介長沙土也

師古曰朕不能擅變焉吏曰得王之介地不足以為大得

王之財不足以為富服領以南王自治之

蘇林曰領山名也如淳曰

長沙南雖然王之號為帝兩帝並立亡一乘之使以通

其道是爭也爭而不讓仁者不為也願與王分棄前患